

Coronawirus Krankheit 2019 (COVID-19)

Wo eena ve een Kjint sorjt wua daut fäalt oppoat to bliewen

Dit Berechts Blaut jeft Eldren un Sorja Rot ve Kjinja wua daut fäalt Tus oppoat to bliewen. Dit kun so talen ve een Kjint waut COVID-19 haft, haft Tiekjens von COVID-19, oda wua wie weeten dee sent rom COVID-19 jewast. Waut dinja kun nicht bie aule Familjes möglich oda moakhaftich sennen.

Daut Kjint daut baste unjastetten

Jieda Kjint un Familje es veschieden, oba doa sent miere Wäaj waut Eldren un Sorja dee kjarpaliche un Narfen Gesundheit ve daut Kjint kjennen unjastetten.

Waut Wäaj tom daut Kjint unjastetten waut doa saul oppoat bliewen:


- Eent von dee Eldren oda Sorja sul een Tiet äwa daut Kjint unjastetten un sorjen, uck noch seen daut dee jinjre Kjinja secha sent em Heim.
- Doot huggen jäwen un omfoten, oba von sont fuat bliewen waut dee Kjarpa aufjeft so aus Kwiel (tom Biespel, nicht kussen).
- Met daut Kjint räden wäjen irjent Froajen, beduren un von waut see angst han.
- Dinja finjen to donnen waut daut Kjint jleich auleen to donnen, wan see kjennen (tom Biespel, Krafts, Klatz topstalen, Familje un Frind Aunlein aunropen).
- Mea Tiet Tus buten auleen sennen, wan möglich (tom Biespel, op dän Hoff oda Veranda).



Wäa sul ve daut Kjint sorjen

- Menschen waut ne jratre jeläjenheit han sea krank to woaren von COVID-19 (tom Biespel, eldre Menschen, soone Menschen waut aul Krankheiten han) sullen fleicht nicht ve daut Kjint sorjen wan doa een audra Sorja es.
- Blos een von dee Eldren oda Sorja ve daut Kjint sorjen, wan moakhaftich, kun dee jeläjenheit weinja moakjen dee COVID-19 no audre em Heim to spreeden.

Wan daut Kjint COVID-19 haft, dee publik health unit en diene jääjent woat sajen wo lang daut Heim sul oppoat bliewen. Dit kun ne lengre Tiet sennen no dän latsten Dach von dan waut daut Kjint sul oppoat bliewen (tom Biespel, ve dee Sorja ve daut Kjint met COVID-19).



Masken bruken



- Masken sullen fein paussen un dee Näs un Mul bedakjen.
- Kjinja motten 2 Joa sennen tom ne Mask bruken, un motten daut aufnämten kjennen.
- Daut Kjint Tiet jäwen onen dee Mask wua see 2 Meeta von aundre sent, wan möglich.
- Aundre en dee selje Stow sullen uck ne Mask bruken.
- Bruken nicht Masken opp han tom schlophen.
- Wan daut Kjint COVID-19 haft, dee Sorja kaun ne Mask un Uajen schützunk bruken (tom Biespel, Jesech Schilt oda ne Brell).

Aundre Wäaj dee jeläajenheit tom vespreeden weinja to moaken

- Dee Henj un soone Dinja waut foaken woaren aunjeschieet irremaul rein moaken (tom Biespel, Toilet, Wauschkom Kron, Däarenkneep).
- Daut Kjint waut doa oppoat es un dee Sorja sullen weinich Kontakt han met dee aundre em Heim, so väl aus möglich. Dit es beosnda wichtich wan daut Kjint COVID-19 haft.
Wan möglich, veschiedne Tieden tom äten han, un oppoat Stowen han tom schlophen, spälen un ne Bodstow.
- Wan doa mea aus eene Persoon em Heim COVID-19 haft, dee kjennen toop oppoat bliewen.
- En dee Schlopstow waut toop jebrukt woat, do dee Baden oda Medrauzen 2 Meeta uteneen holen.
- Sie secha daut dee Loft fein en dee Stow rom kaun waut daut Kjint brukt (tom Biespel, oopne Ruten wan daut schön es un wan daut secha es dee oop to han).
- Oppausen wo fäl Dinja topjebrukt woaren un dan dee entweschen rein moaken.

Ve mea Informazion ...

- Kontakt dee [publik health unit en diene jääjent](#) oda foon 2-1-1
- Ve Berechten aun Kjinja un Familjes unjastetten met COVID-19, see:
 - Ontario Ministry of Health: [COVID-19 Fact Sheet: Talking to Children About the Pandemic](#)
 - Children's Mental Health Ontario: [COVID-19 Resources](#)
 - Canadian Pediatric Society: [Preventing Home Injuries in the Time of COVID-19](#)
 - Public Health Ontario: [COVID-19 Multilingual Resources](#)

Von dee Virus Lieeren

Tom mea lieeren un daut Informazion waut daut latste rut jekommen es aun COVID-19, see dee Ontario Ministry of Health äare Website: ontario.ca/coronavirus.

Äwasat von:



Een Poanta met:

